



06. juni 2013

Inatsisartut Suleriaasianni § 37 naapertorlugu Naalackersuisunut apeqqut imaattoq matumuuna saqqummiuppara:

**Inuussutissarsiornermut, aatsitassanut ikummatissanullu Naalackersusioq (suli) isumaqarpa, nunami maani aatsitassarsiorinissamut akuersissummik pisarnej ajornanngippallaartoq aamma Naalackersuisut tigulaakkamut ataani allassimasumut qanoq oqaasissaqarpap?**  
(Inatsisartunut ilaasortaq Palle Christiansen, Demokraatit)

**Tunngavilersuut:**

*”Tupannarpoq nunarput pillugu qanoq oqaluttoqarnerseq paasillugu, sualummik Investment Pitch-ip nittartagaani videot takullugit.*

*Inuit saqqummiisut oqaatigaat nunatsinni nunaminertaq akeqanngitsumik pissarsiarisimallugu.*

*Nunaminertaq pissarsiarisimasartik Maniitsup eqqaaniittoq Sudbury Basin-ip Canada-miittup ukiut 150 matuma siorna isikkoqarsimaneratut assersuuppaat,*

*Nuannaarutigaat Kalaallit Nunaanni ajutoorsinnaaneq annikimmat, aammalu oqaatigaat kalaallit politikereit isumaqatiginiarnerat qanoq ajornanngitsigisoq.*

*4800 kvadratkilometeri "Imaaliillaannaq" pissarsiarisimavaat, tassa Danmarkip 11,5%-iatut angitigisoq.”*

Taama oqartuuvoq Jens Erik Kirkegaards. Taannarpiarlu atuarneqarsinnaavoq Siumup nittartagani.

Ingerlatseqatigiiffiit nunami maani aatsitassanik misissueqqaarnissamut piaanissamullu aningaasaleerusullutik eqqarsartunut soorunami pingaaruteqarpoq Kalaallit Nunaata piumasaaqatinik sukateriniarluni eqqarsaateqarnera. Issuaaneq qulaanitut ittoq qularnanngilaq ingerlatseqatigiiffiit eqqarsaataannut ilanngunneqartumaartoq.

Kisiannili Jens Erik Kirkegaardip oqaaseqaatai qineqqusaarnermi annitaapput, tassani Inuussutissarsiornermut, Aatsitassarsiornermut Ikummatissanullu Naalackersuisunngornissaa sioqqullugu. Maannakkullu soqutiginarpoq tassaavoq, Jens Erik Kirkegaardip, Inuussutissarsiornermut, Aatsitassarsiornermut Ikummatissanullu Naalackersuisutut sulii naalackersuisunngunngikkallarnermisut isumaqarnerseq: qinersisartunut neriorsuutini aalajangiusimanerai aamma pissaaneq tigoreerlugu sulii aalajangiusimaneraa – misissueqqaarneq kiisalu piiiaaneq ajornarnerulissasut imaluunniit akisunerulissasut.

Apeqqutit akeqquneqarput tiguneraniit ullut sulliviit naliginnaasut qulit qaangiutsinnagit.